

REGLUR

um Verðbréfaþing Íslands.

I. KAFLI

Stofnun og hlutverk.

1. gr.

Samkvæmt heimild í 15. gr. laga nr. 10 frá 29. mars 1961 gengst Seðlabanki Íslands fyrir stofnun Verðbréfaþings Íslands (hér eftir nefnt verðbréfaþing eða þing). Heimili og varnarþing þess er í Reykjavík. Seðlabanki Íslands skal veita því og stjórn þess nauðsynlega starfsaðstöðu.

2. gr.

Hlutverk þingsins er m. a. eftirfarandi:

- a) Að vera vettvangur viðskipta með skuldabréf, hlutabréf og önnur verðbréf og starfrækja í því skyni skipulegt viðskiptakerfi meðal þátttakenda (hér eftir nefndir þingaðilar);
- b) að gera faglegar, fjárhagslegar og siðferðislegar kröfur til þingaðila;
- c) að meta skráningarhæfi verðbréfa;
- d) að skrá gengi verðbréfa og aðrar upplýsingar sem þurfa þykja og
- e) að sjá um að nauðsynlegt eftirlit með verðbréfamarkaðnum sé til staðar í samvinnu við bankaeftirlit Seðlabankans til þess að tryggja að reglur þessar og þær reglur sem stjórnin setur séu haldnar.

II. KAFLI

Stjórn og fundir þingaðila.

3. gr.

Stjórn þingsins skipa fimm menn. Tveir skulu tilnefndir af Seðlabankanum og skal annar þeirra vera formaður. Þrír skulu kosnir af þingaðilum til eins árs í senn. Jafnmargir varamenn skulu valdir með sama hætti. Stjórnin skiptir að öðru leyti með sér verkum og skal hún vera ólaunuð.

4. gr.

Stjórnin heldur fundi svo oft sem þurfa þykir og hvenær sem stjórnarmaður æskir þess. Stjórnin skal halda gerðabók. Ákvarðanir sínar skal stjórnin birta á traustan og greinilegan hátt.

5. gr.

Stjórnin getur, þegar hún sér tilefni til, boðað alla þingaðila til fundar. Skylt er henni að boða til slíks fundar ef þriðjungur þingaðila æskir þess. Fundur skal þó haldinn án tilefnis einu sinni á ári, fyrir febrúarlok. Á þeim fundi kjósa þingaðilar aðrir en Seðlabankinn fulltrúa í stjórn. Atkvæðamagn hvers þingaðila er í hlutfalli við kaup og sölu hans á skráðum verðbréfum sem boðin hafa verið fram á þinginu næstliðið almanaksár. Einn þingaðili getur þó ekki farið með meira atkvæðamagn fyrir sjálfs sín hönd og annarra en nemur þriðjáu af hundraði.

III. KAFLI

Þingaðilar.

6. gr.

Aðilar að þinginu eru þeir verðbréfamíðlarar sem stjórnin hefur samþykkt. Seðlabanki Íslands er þingaðili, en stundar ekki þjónustu sem aðrir þingaðilar veita almenningi aðra en útgáfu og sölu nýrra verðbréfa ríkissjóðs og ríkisstofnana, og keppir ekki við þá um viðskipti.

7. gr.

Umsóknir um aðild skulu sendar stjórninni og skal hún athuga hvort umsækjandi eða starfsmenn hans fullnægi eftirfarandi skilyrðum:

- a) Er fjárráða og hefur forræði á búi sínu;
- b) hefur til að bera næga menntun og reynslu í verðbréfavíðskiptum samkvæmt nánari reglum sem stjórnin setur;
- c) setur verðtryggða bankaábyrgð, veð eða aðra tryggingu sem stjórnin metur gilda, eigi lægri en 1 milljón króna, til tryggingar efndum á skyldum þeim sem honum ber að uppfylla í viðskiptum sínum og
- d) hafi undirritað drengskaparyfirlýsingu um að sækja störf sín eftir bestu samvisku og að hlíta reglum þessum sem og reglum sem stjórnin hefur sett.

8. gr.

Nú telur stjórnin að þingaðili hafi hagað sér í starfi sínu á þann hátt að ekki samrýmist hagsmunum víðskiptavina hans né þingsins í heild. Skal hlutaðeigandi þingaðili að boði stjórnarinnar gera henni viðhlítandi grein fyrir máli sínu. Ber þingaðila í því efni að svara og sinna án ástæðulauss dráttar fyrirspurnum og kvaðningum stjórnarinnar. Stjórnin getur veitt einstökum þingaðilum áminningar, en svipta skal hún þingaðila aðild sé um ítrekaðar eða alvarlegar ávirðingar að ræða að hennar mati. Stjórnin leysir þingaðila undan kvöðum þingsins um leið og hann er sviptur aðild.

Fullnægi þingaðili að einhverju eða öllu leyti ekki skilyrðum skv. 7. gr. skal stjórnin svipta hann þinghaldi og leysa hann undan kvöðum þingsins.

IV. KAFLI

Skráning verðbréfa.

9. gr.

Stjórnin veitir verðbréfum viðurkenningu sem skráningarhæfum í víðskiptakerfi þingsins, enda berist umsókn um það frá þingaðila.

10. gr.

Til að teljast skráningarhæf verða skuldabréf m. a. að uppfylla eftirtalin skilyrði:

- a) Nafnverð heildarútboðs skal eigi vera lægra og einingar eigi færri en svo að útboðið geti talist markaðshæft og
- b) skuldabréfaútboðinu skal fylgja útboðslýsing sem gerð skal í samræmi við sérstakar reglur sem stjórnin setur um útboðslýsingu og form útboðs.

11. gr.

Stjórnin setur nánari reglur um hvaða skuldabréf skuli tekin til skráningar og lætur útbúa nauðsynlegar upplýsingar um þau er almenningur hefur aðgang að.

12. gr.

Stjórnin setur reglur um skráningu hlutabréfa.

13. gr.

Stjórninni er skylt að fella af skrá þau verðbréf, sem að hennar mati uppfylla ekki skilyrði þingsins. Jafnframt er henni heimilt að fella tímabundið niður skráningu ef ástæða þykir til.

V. KAFLI

Viðskiptakerfið.

14. gr.

Þingaðili skal senda öllum öðrum aðilum upplýsingar um magn, verð og tegundir þeirra skráðu bréfa sem hann hefur kaupanda eða seljanda að sbr. þó 18. gr.

15. gr.

Stjórnin skal skipuleggja upplýsingamiðlun skv. 14. gr., ákveða tíðni hennar, form upplýsinganna og flutningsmiðil.

16. gr.

Þingaðilar gera upp viðskipti beint sín á milli skv. reglum sem stjórnin setur. Þingaðilar bera ábyrgð á viðskiptum sínum með skráð verðbréf.

17. gr.

Stjórnin setur reglur um skiptingu sölulauna þegar sala fer í gegnum tvo eða fleiri þingaðila.

18. gr.

Þingaðila er heimilt að eiga viðskipti með skráð verðbréf án þess að hann bjóði þau fram í viðskiptakerfinu, svo fremi sem hann gerir bæði kaupendum og seljendum grein fyrir að svo sé og þeir sætti sig við það.

19. gr.

Stjórnin skal skipuleggja söfnun og miðlun upplýsinga meðal þingaðila um viðskipti með skráð verðbréf.

Seðlabankinn safnar og miðar upplýsingum um verð og viðskipti með skráð verðbréf.

VI. KAFLI

Önnur ákvæði.

20. gr.

Stjórnin skal gera tillögur um eftirlitskerfi, sbr. e-lið 2. gr., sem Seðlabankinn staðfestir. Þessu kerfi er ætlað að standa vörð um góða síðu þingaðilanna og koma í veg fyrir áföll sem skaða kynnu álit þingsins eða valdið gætu viðskiptavinum fjárhagstjóni.

21. gr.

Stjórnin skal skera úr um ágreining milli þingaðila að því er varðar framkvæmd reglna þingsins. Einnig skal hún skera úr um ágreining á milli viðskiptavina og þingaðila vegna viðskipta með skráð verðbréf enda hafi ágreiningnum verið vísað til stjórnarinnar af öðrum hvorum aðila.

22. gr.

Tillögur um breytingar á reglum þessum skulu hljóta stuðning einfalds meirihluta atkvæða á fundi þingaðila, og taka þær gildi þegar bankastjórn Seðlabanka Íslands samþykkir þær og ráðherra staðfestir. Um vægi atkvæða og hverjir greiða atkvæði gilda ákvæði 5. gr.

Ákvæði til bráðabirgða

Bankastjórn Seðlabanka Íslands ákveður hverjum skuli boðið að tilnefna fulltrúa í fyrstu stjórn þingsins skv. 3. gr., er sitji þar til þingaðilar hafa kosið í stjórn á fundi, sem haldinn skal fyrir lok febrúar 1987.

Reglur þessar skal endurskoða eigi síðar en fyrir árslok 1987 í ljósi fenginnar reynslu. Sérstaklega skal hugað að verðbréfaskiptum (clearingu verðbréfa) þegar umfang viðskipta gefur tilefni til svo og ákvæðum 3. greinar um skipan stjórnar. Stefnt skal að því að í stað annars fulltrúa Seðlabankans í stjórninni komi þá annað hvort fulltrúi kosinn af þingaðilum eða utanaðkomandi aðili, valinn vegna sérþekkingar á viðskiptamálum.

Reykjavík, 26. júní 1985.

Seðlabanki Íslands

Jóhannes Nordal.

David Ólafsson.

Tómas Árnason.

Reglur þessar staðfestast hér með.

Viðskiptaráðuneytið, 28. júní 1985.

Matthías Á. Mathiesen.

Björn Líndal.

REGLUGERÐ**um hámarkshraða ökutækja á Keflavíkurflugvelli.**

1. gr.

Hámarkshraði ökutækja á öllum vegum lögsagnarumdæmis Keflavíkurflugvallar er ákveðinn 50 km á klukkustund, með þeim undantekningum, er í 2. gr. segir.

2. gr.

1. Á eftirtöldum vegum má hámarkshraði þó aðeins vera 35 km á klukkustund:
 - a) Alþjóðabraut milli gatnamóta Bogagötu og Flutningabrautar F og milli Suðurgötu og Grjótagötu;
 - b) Uppland;
 - c) Akbrautir gegnum íbúðahverfi sunnan Austurbrautar og austan Flugvallarveggar, svo og austan Suðurgötu og norðan Austurbrautar;
 - d) Vesturbraut milli Vesturlands og Alþjóðabrautar;
 - e) Brunnlund milli Vesturbrautar og Alþjóðabrautar;
 - f) Víkingsgata;